

Deo per Philistæos et Ammonitas; sed serio pœnitentibus opitulatur Deus, exprobrita prius eorum ingratitudine.

QUÆSTIO UNICA. — DE JUDICATURA THOLEÆ ET JAIR.

Vers. 1: *Post Abimelech surrexit dux in Israel Thola. In hebræo, græco, et chaldaeo dicitur: Surrexit ut salvum faceret Israelem; et sic etiam legit S. P. Aug. Q. 47 in Judices.*

Fuit verisimiliter electus a populo, ut patet Abulensis; nam Dei hic nulla fit mentio. *Surrexit ut salvaret Israelem, adducendo eum ab idolatria, et a malis liberando, in que, ob tyrannidem Abimelech, populus inciderat. Surrexit etiam, ut salvaret Israelem, scilicet ab hostibus vicinis, si more suo Israélitas invaderent: et fortasse re ipsa salvavit, quamvis Scriptura factum non commemoraret.*

Dicitur autem y. 1: *Thola filius Phua patru Abimelech, vir de Issachar.* Fuit igitur Thola de tribu Issachar, filius cuiusdam Issacharitæ, cui nomen *Phua*, qui hic in textu latino dicitur fuisse patruus Abimelech seu frater Gedeonis; adeoque Thola et Abimelech juxta nostram Vulgatam erant patrules, id est duorum fratrum filii.

Dices: Gedeon, ut patet ex cap. VI, 15, fuit de tribu Manasse: Quomodo ergo Phua frater ejus, et hujus filius Thola fuerunt de tribu Issachar.

Resp. verbis S. P. Aug. Q. 47 in Jud.: *Potuerunt Gedeon et Phua unam habere matrem, ex qua diversis patribus nascerentur, et fratres essent unius matris filii, non unius patris.*

Hinc communiter observant interpres, quod Gedeon et Phua fuerint fratres uterini tantum; ita ut mater ipsorum primo nupserit Joas Manassensi, et ex eo generuit Gedeonem; deinde nupserit alteri viro ex tribu Issachar, ex quoque generuit Phua patrem Tholæ.

Quod autem femina potuerint nubere viris alterius tribus, quando ea occasione haereditates non transferebantur ad aliam tribum, ostensum est in cap. ult. lib. Numerorum.

Inst. Ubi textus noster habet: *Filius patrui, in hebræo habetur: Ben dodo.* Prima autem vox *ben* vertitur per nominativum, ut idem significet ac *filius*, vel per genitivum, ut significet *fili*; ita ut dubium maneatur, an iste Phua sit frater Gedeonis, an potius filius fratris Gedeonis. Deinde secunda vox *Dodo* est nomen proprium patris ipsius Phua. Unde Arias vertit: *Thola filius Phua, filii Dodo.* Ergo Phua pater Thola non fuit patruus Abimelech, sed filius Dodo-nis, qui erat de tribu Issachar.

R. Neg. ant. pro utraque parte: nam cum *ben* æque bene vertatur *filius* ac *fili*, et aliunde nihil obstat, retinenda est lectio nostra Vulgata; ac consequenter non videtur esse dubium, quin Phua sit frater Gedeonis. Deinde cum magis credendum sit S. Hieron., LXX Interp. et textui chaldaico, qui vertunt: *Filius patrui ejus, scilicet Abimelechi, quam Ariæ, qui ex rabinis retinet Dodo, ut nomen pro-*

prium: satis evidens est, quod Phua fuerit patruus Abimelech et frater Gedeonis.

Thola in judicatura, y. 3: *Successit Jair Galaadites, qui judicavit Israelem per viginti et duos annos, scilicet sua industria avertendo mala, ipsi ab hostibus inferenda, et omni studio conando Israelitas continere in cultu unius veri Dei.*

y. 4: *Habens triginta filios sedentes super triginta pullos asinarum.* In hebræo, loco τριάδα sedentes habetur equitantes, et eodem modo habetur in chaldaico; sed et LXX habent: *ascendentes, et in omnibus illis omititur τὸ asinarum.* Unde Cajetanus arbitratur pullos illos fuisse equinos, idque afferri ad ostendendam horum principum gloriam.

Attamen retinenda est lectio nostra Vulgata, et dicendum, revera hos 30 principes mulis aut asinorum inequitas potius quam equis. Neque vox hebraica equitantes ullo modo obstat, quia dici ita potest per catachresim, sicut illud Horatii: *Equitare in arundine longa.*

Additur y. 4, filios Jair fuisse principes triginta civitatum, quae ex nomine ejus sunt appellatae Havoth Jair, id est oppida Jair, usque in præsentem diem, in terra Galaad. Ex quo videri cuiquam posset, praefecturam hujus judicis habuisse speciem absoluti dominii, quandoquidem 30 filios 30 civitatibus præsisset.

Attamen dici potest, quod Jair sic præficeret filios suos istis civitatibus, sicut legitur etiam Samuel præfecisse suos filios I Reg. VIII, scilicet cum nuda potestate judicandi, non dominandi. In hebreo et græco non habetur: *Principes triginta civitatum, sed triginta civitates eis.* Implicite tamen per hoc principatus eis adscribitur.

Circa id autem quod dicitur: *Quæ ex nomine ejus sunt appellatae, etc.,* observa cum A Lapide, quod jam pridem hæc 30 civitates, et insuper aliae 30, hoc est, 60 ab alio antiquiore Jair nuncupatae essent oppida Jair, ut patet Num. XXXII, 41; hic tamen nomen illud confirmatum sit, et eis quasi de novo inditum ob novam rationem; quia scilicet 30 his urbibus præerant 30 principes, filii Jair judicis, cæterarum vero 30 his non fit mentio, quia illæ ad hos principes non spectabant.

CAPUT XI.

Jephæt Judæi Israëlis deligitur, qui legatione missa ad regem Ammonitarum, conatur variis rationibus eum inducere, ut ab injusto bello et invasione Israelitarum ccesset; sed cum frustra id fieret, irruente in eum spiritu Dei, atque Hebreis ad bellum convocatis, illum armis aggressurus, votum emittit, ut, si victor redeat, primum e domo sua sibi occursum Deo immole. Occurrit ei unica filia, quam Deo sacrificat.

QUÆSTIO PRIMA. — QUALIS FUERIT JEPHETE QUOD NATALIS, FORTUNAM, ETC.

Vers. 1: *Fuit illo tempore Jephæt Galaadites. Tribus modis Jephæt appellatur Galaadites; 1. quia huius Ariæ, qui ex rabinis retinet Dodo, ut nomen pro-*

natus in terra Galaad; 2. quia pater ejus vocabatur Galaad, ut statim subditur; et 3. quia erat de civitate Galaad, ut dicitur cap. XII.

Vir fortissimus atque pugnator. Animus ejus magnitudinem et bellandi industriam maxime spectarunt Israelitæ, dum illum in ducem et judicem suum elegunt.

Filius mulieris meretricis, non publice expositæ, sed concubinæ privatæ. Fuit ergo Jephæt spurius, seu natus ex adulterio natus.

Prob. I. *Quia fratres ejus legitimi, mortuo patre, ipsum expulerunt ab hereditate, ut dicitur y. 2. Atqui hoc non potuerint facere, si natus fuisset ex uxore secundaria; ergo.*

Prob. min. *Quia filii uxorum secundariorum erant legitimi, ut filii Abraham ex Agar et Cetura, filii Jacob ex Bala et Zelpha.*

Prob. II. *Quia in textu hebreo habetur: Filius mulieris alterius, id est, quæ vel alteri viro juncta erat, vel saltem alia a legitima uxore; ergo Jephæt fuit natus ex adulterio. Unde editio latina Lyrani habet: De adulteria matre.*

Obj. I. LXX vertunt ἡταῖξ, id est *amica*; ergo mater Jephæt non fuit proprie adultera.

R. eam ita vocari honestatis gratia, quemadmodum et nunc alibi vocantur *amicæ* vel *cavæ*. Quinimo dictio illa indicat ipsam non fuisse matrimonio junctam cum patre Jephæte.

Inst. Si fuisse Jephæt spurius, non potuerit esse dux populi, juxta illud Deut. XXIII, 2: *Non ingredietur manzher, hoc est de scerto natus, Ecclesiam Domini.*

R. Neg. assumpt. Quia quod Jephæt factus sit dux populi, contigit ex instinctu Dei, in lege sua dispensantis, quomodo Gedeon, Samuel et Elias obtulerunt sacrificium.

Obj. II. Jephæt hoc cap. y. 7, conqueritur contra maiores natu de Galaad, quod ipsum ejecerint e domo patris sui. Atqui si fuisse spurius, non habuisset rationem conquerendi, quandoquidem spurius non possent adire haereditatem paternam; ergo.

R. Nego min.; nam hoc non obstante habuit rationem conquerendi, partim quia ejecerant eum ex odio et invidia, partim quia privaverant eum alimentis, quæ a patre et domo aliquo saltem modo debentur spuriis.

Obj. III. Juxta legem Levit. XX et Deut. XXII, debet uterque occidi, scilicet adulter et adultera. Atqui tamen pater Jephæt non fuit occisus; ergo non fuit adulter.

R. eum ideo non fuisse occisum, quia vel adulterium mansit nimis diu ignotum, vel quia ipse inter suos princeps erat, et potentior, quam cui auderent mortem inferre; prout nec David adulter, nec incestuosi Absalom et Herodes morte puniti sunt.

y. 5: *Habitavit in terra Tob, quæ erat pars terræ Galaad. Congregatique sunt ad eum viri inopes et latrocinantes, qui ipsum quasi principem sequebantur. In hebreo, græco et chaldaeo non reperitur verbum latro-*

S. S. XXVI.

cinantes; unde inquit A Lapide, videtur ex nota marginali in textum irrepsisse, et intrusum ab aliquo, qui voluit explicare τὸ inopes; nam milites pauperes sæpe rapini et latrocinii vivunt. Credibile tamen est, ait Lyranus, quod ageret predas de adversariis filiorum Israel tantum, sicut David et viri ejus faciebant, I Reg. XXVII.

Similiter dicit Estius: *Hic non aliud dicitur de Jephæte, quam quod I Reg. XXII, de Davide dicit Scriptura, scilicet convenisse ad eum omnes, qui erant in angustia constituti, et oppressi aere alieno, et amaro animo, et ipsum factum esse eorum principem: nisi quod hic additur: Et latrocinantes. Sed sciendum, inquit, hoc in hebreo non haberi, tantum enim ibidem est: Et collecti sunt ad Jephæte homines vacui, et egressi sunt cum eo. Deinde verbum latrocinari in bonam quoque partem accipi potest, pro eo quod est predas agere. Ita Estius.*

P. quomodo intelligantur verba Jephæte ad regem Ammonitarum: *Nonne ea quæ possidet Chamos Deutus, tibi jure debentur. Quæ autem Dominus Deus noster vicer obtinuit, in nostram cedent possessionem.*

R. ea intelligi hoc sensu: *Sicuti vos putatis, vos jure possidere terram, quam dedit vobis Chamos, quem putatis esse Deum, ita nos jure possidemus terram illam, quam Dominus Deus noster, Deus cœli et terræ, dedit nobis. Unde Jephæte vocat hic Chamos Deum, non quia putabat ipsum esse Deum, sed quia Ammonitæ putabant illum esse Deum. Quare etiam illum non vocat Dominum Deum, sicut vocat Deum Israel; sed Deum simpliciter, quo nomine etiam idola vocabantur.*

QUÆSTIO II. — AN JEPHETE VOVERIT ET OBTULERIT REALE HOLOCAUSTUM.

Dico 1: Rabbini quidam (quos aliqui secuti sunt recentiores) docuerunt non occisam fuisse filiam Jephæte, sed per virginitatis votum tota vita observandum, metaphorice immolatam instar V. Testamenti Nazarææ. Timebant enim isti rabbini ne, si realem hic mactationem admitterent, Filii Dei a Patre in monte Calvariae sacrificati perfectissimum typum darent christianis, qualis olim inchoata fuerat figura Isaæ, in monte Moria a patre immolandus, nisi morti subtractus fuisse. Contra hos

Dico 2: Voluit Deus, auctor et dominus vita humanae, etiam in re difficillima, plenæ obedientię, et quidem in sexu fragili, extare exemplum, non solum quoad voluntatem animique resignationem (quale fuerat sacrificium Isaæ), sed etiam re ipsa, et quoad executionem. Voluit item Filio suo, non solo affectu, sed et re ipsa morituro præire typum, in quo realis et ultroneæ mortis illustrissimum omnibusque perspicuum magnanima virgo præberet exemplum; adeoque Jephæte vovit et obtulit reale holocaustum.

Prob. I. Ex verbis Scripturæ, quibus votum Jephæte exprimitur y. 29 et seq.: *Factus est ergo super Jephæte Spiritus Domini, et... votum vovit Domino dicens: Si tradideris filios Ammon in manus meas, quicumque*

(Vingt-quatre.)

primus fuerit egressus de foribus domus meæ, mihique occurserit revertenti cum pace a filii Ammon, eum HOLOCAUSTUM offeram Domino. Atqui holocaustum erat sacrificium reale; ergo imprimis vovit sacrificium reale.

Deinde §. 39 subditur: *Expletisque duobus mensibus, reversa est ad patrem suum, et fecit ei (pater filiae) sicut voverat. Atqui voverat reale holocaustum; ergo per reale holocaustum eam immolavit.*

Prob. II. Quia juxta textum jam allegatum Jephite filia suæ fecit sicut voverat. Atqui non fecisset ei sicut voverat, si non realiter immolasset: ergo eam realiter immolavit.

Prob. min. Si vovissem communionem realem seu sacramentalem, et postea tantummodo spiritualiter communicarem, dici non posset, quod fecisset sicut voveram. Ergo neque de Jephite dici potuit: *Fecit ei sicut voverat..., si voverit realem primo occursuri immolationem, et filiam suam postea tantummodo metaphorice immolaverit.*

Prob. III. Debemus sacras Scripturas interpretari juxta unanimem SS. Patrum consensum. Atqui illi concorditer dicunt, vel tanquam indubitatum supponunt, filiam Jephite fuisse realiter immolata; ergo et hunc locum de reali immolatione debemus interpretari, nec propter alias recentiorum rationes (que commode dissolvit possunt) ab hac interpretatione recedere.

Prob. min. Ex S. P. Aug., Q. 49 in Jud., seq. Quest. citando; item lib. I de Civ. Dei, cap. XXI. Ex S. Ambros., lib. III Offic., cap. XII. Ex S. Hieron., lib. I adversus Jovinian., cap. XIII: item in cap. VII Jeremiæ, et in cap. VI Michæ. Ex S. Greg. Nazianz. Orat. 22. Ex S. Chrysost., Hom. 14 ad populum Antioch., tom. V, et Hom. de Jephite, tom. I. Ex Theod., Q. 49 in Jud. Ex Isidoro Hispanensi, cap. VII in eundem lib. Ex D. Thom. in 4, dist. 58, q. 1, a. 1: item secunda secunda, q. 88, a. 2, et pluribus aliis, quos longo agmine passim recenserent auctores.

Prob. IV. Tempore illo propriorum holocaustorum usus vigebat, contra vero mysticæ immolationis per virginitatis consecrationem praxis non obtinebat, maxime inter Judeos, qui ex semine suo nasciturum Mëssiam sperabant; ergo gratis præsumitur Jephite insolitam aliquam vovisse consecrationem, præsertim cum ipse esset spurius, homo militaris, in terra aliena educatus, ex præda vivere assuetus, etc., cuius generis homines, et isto quidem tempore, de virginitatis consecratione parum, imo forsitan nihil cogitabant.

Prob. V. Quia victor è prælio rediens Jephite, visa filia sua, §. 33: *Scidit vestimenta sua, et ait: Heu me, filia mea, decepisti me, et ipsa decepta es. Atqui nulla erat ratio tanti doloris propter metaphoricam filie sue votam immolationem; ergo dolorem illum sensit propter votum realis immolationis.*

Prob. min. Si qua fuisset tanti doloris ratio, fuisse spes secuturæ posteritatis, per metaphoricam filie consecrationem abrepta. Atqui illa ratio erat minime sufficiens, imo ridicula; ergo.

Prob. min. Spei illi abrepta imprimis prævalebat respectu istius filie divinum beneplacitum, quo in supposito, eam voluisse perpetuæ virginitati consecratam; ergo illa ratio non erat sufficiens. Deinde etiam videtur ridicula; quia Jephite jam factus princeps populi, et robustus bellator, erat in statu, ut per alias quascumque uxores (quas licite ducere poterat) de desiderata posterioritate sibi provideret; ergo excessus illius doloris non ex voto metaphoricæ, sed realis immolationis exortus est.

SOLVUNTUR ARGUMENTA. — Obj. I. Votum Jephite videtur fuisse genericum et abstractum ab immolatione reali, vel mystica, secundum substratum materiam. Atqui filia Jephite non erat materia immolationis realis, sed tantum mysticæ; ergo tantummodo immolavit eam mystice.

Confirm. Levit. XXVII, 28 et 29, hominis et agri consecratio mors vocatur, idque tantummodo, quia quidquid semel fuerat Domino consecratum, nec vendi nec redimi poterat, sed erat sanctum sanctorum Domini; ergo etiam consecratio filiae Jephite, quamvis tantum mystica, mors appellari potuit; imo et holocaustum saltem late sumptum, cum per eam ejus virginitas in perpetuum esset Deo obstricta.

R. Neg. maj. Quia jam ante ostensum est, quod nullus eo tempore similius mysticarum consecrationum esset usus, quod Jephite homo militaris, etc., de mystica illa consecratione non cogitaverit, etc., adeoque votum ejus fuit determinatum de immolando realiter pro homine, sibi, a victoria revertenti, occursu.

Ad confirm. dico, disparitatem patere tum extenu, qui homini jungit agrum, realis utique immolationis incapacem, clareque addit, quod tota illa consecratio consistat in eo, quod res Domino consecrata vendi aut redimi non possit; tum ex eo quod nullus patrum aut interpretum hunc Levit. locum de reali hominis immolatione intellexerit; cuius contrarium de voto Jephite ante ex ipsis ostendimus.

Obj. II. Textus Scriptura sic habet: *Expletisque duabus mensibus reversa est ad patrem suum, et fecit ei sicut voverat, quæ ignorabat virum. Atqui illa posteriora verba non alia ratione adduntur, nisi ut significetur, mysticam hanc fuisse virginitatis immolationem; ergo.*

R. Neg. min. Nam posteriora illa verba addita sunt ad factum Jephite exaggerandum, quia scilicet non tantum filiam, sed filiam virginem, adeoque filiam non habentem liberos devovit et immolavit.

Inst. Filia Jephite, auditio voto patris, petit tempus, non plangendi vitam, sed suam virginitatem; ergo intellectus, non vitam, sed virginitatem suam esse a patre Deo consecratam.

R. Neg. conseq. Quia per hoc tantum ostendit magnanima filia, quod zelo religionis et amore incolumentis patriæ peritutam vitam generose contemneret, et solam virginitatem, hæc opportunam, sed ex voto patris sterilitate consequenter damnatam, lugere desideraret.

Dico consequenter damnatam (ad mortem scilicet cui primum sibi occursurum hominem devoverat); quia si filia Jephite tantummodo fuisset devota ad perpetuam virginitatem, erat ridiculum petere duos menses ad eamdem plangendam, cum toto vitæ tempore eam plangere potuisset ad satietatem.

Dici ergo potest, ut tota assumpti textus difficultas evanescat, objecta verba aptissime disponi posse ordine sequenti: *Fecit ei, quæ ignorabat virum sicut voverat.*

Obj. III. Populus non est passus Jonatham interfici, quamvis jurejurando se pater ejus ad hoc obstrinxisset, I Reg. XIV: ergo etiam innocentem istam virginem liberasset, si a patre fuisset morti devota.

R. disparitatem esse, 1, quod populus hic erronee apprehenderit, victoriæ et libertatem sibi ob emissum Jephite votum fuisse concessam, adeoque et ipsum Jephite ad votum hoc reddendum revera obligari. Ex hac igitur apprehensione erronea non impedivit populus mortem innocentis filiae, quæ tam prompto animo mortem ipsam suscepit.

Pater hic fuerat, qui ingenti ista victoria populum liberaverat; at vero I Reg. loco cit. Jonathas ipse causa victoria fuerat. Quam ob rem victoriæ auctoritatem mori indignum judicans populus, recte dicebat: *Ergone Jonathas morietur, qui fecit salutem hanc magnam in Israel? Hoc nefas est, etc.*

Inst. I. Saltem credibile non apparet, quod erronee putaverit Jephite vir prudens, sibi ad imitationem idololatrarum contra manifestam legis prohibitionem esse agendum, filiamque occidendam.

R. Neg. assumpt. Quia quantumcumque prudens fuisse Jephite supponatur, ex quadam ignorantia tamen ad filiae immolationem processit, motus fortasse exemplo Abrahæ (quo divina ipse in se beneficia cumulaverat), item certa spe salutis æternæ ipsius imolatae, etc., ut ratiocinatur S. P. Aug., Q. 48 in Judices.

Inst. II. Inconceptibilis est ista ignorantia: cum enim bimestre interfluxerit, consulisset sacerdotes, qui ipsum instruxissent realem hanc immolationem divino naturali jure esse prohibitam.

R. Neg. assumpt. Ad prob. dico, quod forte nequidem despicer sacerdotes consuluerit, cum de injecta sibi per votum obligatione minime dubitaret, et rem se facturum præclarissimam plane existimat.

Inst. III. Non potuit Jephite ignorare sacrificia per manus sacerdotum esse offerenda; ergo certo eos despicer consuluit.

R. nec illud ant. esse extra omne dubium: cum enim sacrificium hoc sciret esse distinctum ab his, quæ in lege præscribuntur, ex eodem errore sibi persuasum habere potuit, quod ad exemplum Abrahæ per ipsius votantis manus posset offerri.

Cæterum gratis dato, quod etiam sacerdotibus intentio Jephite fuerit probe nota, non sequitur tamen quod realis illa immolatio per ipsos fuerit impedita.

1. Quia sic rursus filiae non fecisset sicut voverat:

sicuti non faceret, v. g., matrimonio juneta, quæ matrimonio consummato vovisset ingredi religionem invito marito, audiensque hoc esse illicitum, non ingredieretur, atque aliud in facti voti commutationem offerret; adeoque inhærendo etiam rigori textus, realis illa immolatio non fuit per sacerdotes impedita.

2. Quamvis non ignoraverint sacerdotes, vi legis humano sanguine, et maxime innocuo, non esse litandum, tamen in hoc casu ne ipsos quidem sacerdotes rem habuisse compertam, omnino probabile est: tum quia sciebant, Spiritum Domini factum super Jephite, tum quia immediate post votum secuta fuerat victoria, quam ob emissum votum apprehendebant concessam; tum quia exemplum aspiciebant Abrahæ, etc., quæ omnia Jephite ex errore potuit ipsis proponere, forte etiam isto tempore satis rudibus.

Obj. IV. Potius dicendum videtur, quod Jephite tantum vovere intenderet offerre aliquod animal immolabile juxta legem.

R. Neg. assumpt. Quia Vulgata nostra loquitur de solo homine dicens: *Quicumque primus fuerit egressus, etc., quamvis autem ex hebreo aliqui vertant Quodcumque, vocem tamen illam cum S. P. Aug. intelligamus de solo homine; quia Jephite intendit vovere aliquid speciale, quale non erat respectu tanti principis bos, aries, agnus, aut cætera animalia juxta legem immolabilia.*

Obj. V. Ubi in Vulgata nostra habemus: *Offeram eum holocaustum Domino, in hebreo legitur: Et erit Dominus, et holocaustum offeram Domino. Atqui ibi copulativa et pro disjunctiva vel sumi potest; ergo tantummodo vovit vel offerre holocaustum, aut aliud sacrificium licetum, quale non erat realis immolatio filie sue.*

R. Neg. min. Quia illa duo: *Erit Domino; et holocaustum offeram Domino*, non sunt duo disparata, sed sibi potius subordinata, sicut species subordinatur generi, adeo ut sensus sit: *Ita erit Domino, ut ego ipse offeram eum in holocaustum.*

Obj. VI. Ubi nos legimus §. 39 et 40: *Mos increbit ut... plangent filiam Jephite; ex hebreo Pagninus et aliis vertunt: Ut alloquerentur filiam Jephite, ergo non fuit realiter, sed tantum mystice immolata, sicut consecrantur et recluduntur, v. g., modernæ moniales.*

R. Nego conseq. Præterquam enim, quod teste Serrario, nullus veterum seu latinus, seu chaldaeus hic legerit: *Ut alloquerentur, commode dici potest, filias Israel convenisse ad alloquendum filiam Jephite per apostrophen.*

Ante resolutionem notanda sunt, 1. hue pertinentia S. Scripturæ verba: *Factus est ergo (ait sacerdos textus §. 39 et seq.) super Jephite Spiritus Domini, et circuens Galad et Manasse, Maspha quoque Galad, inde transiens ad filios Ammon, votum vorit Domino dicens: Si tradideris filios Ammon in manus meas, quicumque primus fuerit egressus de foribus domus meæ,*